

# РСФСР-н Деед Советин дөрвдгч сессий

Москвад, Кремлевск Ик баян-шнэгд, майин 28-д РСФСР-н Деед Советин дөрвдгч сессий секгдв.

Орүн заседаньд, депутатир болн кесг олн гиичир уданар альх ташлдлгъар тосгдцхасн уурмуд Н. А. Булганин, Л. М. Каганович, Г. М. Маленков, А. И. Микоян, В. М. Молотов, М. З. Сабуров, Н. С. Хрушев, Л. И. Брежнев, Д. Т. Шенилов, Е. А. Фурцева, Н. М. Шверник, А. Б. Аристов, Н. И. Беляев баянцхав.

СССР-н Деед Советин Президиумин чледүд, КПСС-н ЦК-д РСФСР-р баядг бюрон чледүд, министрмуд орлццхав.

Сессийд куундгдх төрнь — промышленность болн тосхлт заллгъ бүрдэлгъиг цааранднь ясрулхин туск төр болн РСФСР-н Деед Советин Президиумин Указмуд батлгън.

Ахлач болджах — РСФСР-н Деед Советин ахлач, депутат И. В. Горошкин сессий секгдв гидж зарлчкад, РСФСР-т промышленность болн тосхлт заллгъ бүрдэлгъиг цааранднь ясрулхин тускар доклад кехд республикин Министрмудин Советин ахлач депутат М. А. Ясновд үг өгв.

Депутат Яснов, республикд промышленность ик гидгяр өссиг герчлдж үзүлгч то келдж сонъсхв.

Российск Федерацин газр дээр экономическ административн 70 райод гаргъхин туск сельг сессин халаврт Российск Федерацин Министрмудин Совет орулдж өгчәнә. Эн райод нургьлдж РСФСР-н административно-территориальн хувацар бүрдэгдхмн гидж докладчик герчлв.

Туунас онц болгчнь Ленинградск экономическ район, эн район Ленинградт, Ленинградск, Псковск, Новгородск областьсар баях союзн республиканск промышленностин предирятыс болн организациг, бас тер мет Калининск болн Великолукск областьсин предирятыс орлцх Калининск административн-экономическ райог орлцулдж негдүлхмн.

Советск Союзин хотл балгъснд промышленностин болн тосхлтсин агъуны ик болсн учрар Москва балгъсна эконо-

номическ-административн район бүрдэгдхнь халэгддженә.

Бүрдэгддженә совнархозмудин өмн баях төрмүдин тускар докладчик цааранднь цаялгъдж келв.

Докладар босдж үг келлгън эклв.

Түрүн болдж Н. И. Бобровников (Москва) босдж келв. Промышленность болн тосхлт заллгъ бүрдэлгъиг цааранднь ясрулхин тускар СССР-н Деед Советин гаргъсн шийдвирг Москван күч-көлсчир ямаран кевәр таасдж тоссиг, Советск Союзин хотл балгъснд промышленность ямаран кевәр өсдж, өргдждж йовхин тускар тер келв.

Орүн заседаньд бас депутатир Ф. З. Загафуранов (Башкирск АССР), И. Г. Третьяков (Саратовск обл.), М. Е. Корешков (Московск обл.), Ф. В. Попов (Амурск обл.), нань чигн улс босдж үг келцхав.

Майин 28-д асхн заседаньд, майин 29-д өрүн болн асхн болсн заседаньд депутатир А. Д. Кудряшев (Чкаловск обл.), И. В. Бобков (Рязанск обл.), А. А. Кокарев (Красноярск край), нань чигн кесг улс босдж үг келцхав.

Депутат С. П. Логинов (Архангельск обл.) үг келснә хөһн, докладар-цуг бийнь 29 күн босдж үг келв гидж сессийин ахлач сонъсхв. Прений төгсәхмн гисн сельвг авгдв.

РСФСР-н Министрмудин Советин ахлач депутат М. А. Яснов товчлгч үгән келв.

РСФСР-н промышленность болн тосхлт заллгъ бүрдэлгъиг ясрулхин туск Закон Деед Совет нег дуугъар батлдж авб. РСФСР-н селәнә эдл-ахун Министерств РСФСР-н совхозмудин Министерств хойриг негдүлх Закон, РСФСР-н Конституцин цолд сольвр болн немур келгънә туск Законс бас батлдж авгдв.

Цааранднь сессий, РСФСР-н Деед Советин Президиум хойр сессийин хоорнд гаргъсн Указмудиг нег дуугъар батлдж авб.

Куундх төрмүднь төгсәд, РСФСР-н Деед Советин дөрвдгч сессий хаагдв гидж зарлгдв. (ТАСС.)